



UNIVERSITÄTS-
BIBLIOTHEK
PADERBORN

Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

D. S. Ignatio S. I. Fundatore.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

innititur gratiæ Dei : sed oratio S. Annæ non
justitiæ solùm Evangelicæ , sed etiam ipsi juri
naturali. Tu S. Annam in patronam elige , &
invoca.

DE SANCTO IGNATIO 31. Julij

Societatis JESU Fundatore.

PUNCTUM PRIMUM.

DEus Ignatium ex mundi illecebris mira
quædam ratione vocavit. Cum enim pro- 1.
pugnanda Pampelone graviter vulneratus in Vocatur
lecto jaceret, vitæ Sanctorum lectione ita com- ad Dei
motus est, ut statuerit illico totum se Deo sub gloriam
auspiciis B. Virginis consecrare, & eam vitæ procu-
rationem sequi, quam Deus sibi inspiraret. randant
O quam incomprehensibiles viæ tuæ Domine, qui
permittis mala corporis, ut cures vulnera a-
nimi, & miris modis electos ad destinatum fi-
nem perducis ! En me totum tibi offero ad om-
nia paratus. *Da quod jubes, & jube quod vis.*

2.
2. Statim ille sæculo renuncians vanam glo- 2.
riam vili vestitu, mendicato pane, inopum con- Paret.
victu; carnem quotidianis jejuniis, terna in diem
flagellatione, frequenti cilicio, humi cubatio-
ne, solitudine Manresana ita domuit, nullum
ut deinceps carnis, nullum multis ante obitum
annis vanæ gloriæ motum senserit. Quam
crebro te Deus admirabili providentia ad per-
fectionem vocavit? utinam sic audires, sic cum
vitiis generosè certares!

PUN-

PUNCTUM II.

Quibus medijs Dei gloriam promovet. **I**gnatium Deus, ad suam gloriam per totum orbem circumferendam, quadruplici inprimis virtutum genere instruxit, per quatuor animalia currus Ezechielis expressarum.

I. Aquila exhibet. 1. Summam ejus prudentiam, quæ tota vita, sed maximè in condendo suo Ordine eluxit. 2. Divinas illustrationes notitiámque rerum spiritualium, qua infinitos ad pietatem instituit, & admirabilem Exercitiorum spiritualium librum composuit. 3. Donum orandi singulare, sic ut infinitam lacrymarum vim funderet, vel flosculi intuitu totus in Deum raperetur, nihil susciperet nisi prævia oratione, ac prope perpetuo de Dilecto, deque cœlesti patria suavissimè cogitaret. *Quam sordet terra, inquiebat, dum cœlum aspicio! Siccine Deo cœloque affixus es?*

II. Leo magnanimitatem ejus significat. Neque enim à Dei gloria promovenda aut ejus inimicis debellandis, ullis difficultatibus periculisve deterrebat. Imo sui negligens ajebat, malle se beatitudinis incertum vivere, & interim Deo ac proximo se impendere: quàm certum ejusdem gloriæ statim mori.

III. Homo repræsentat. 1. Perpetuum illius in rebus omnibus rationis usum sine ulla animi perturbatione. 2. Ardentem divini honoris hominúmque salutis zelum, qui neque gelidis aquis restingui potuit, in quas se immer-
sit,

fit, ut impurum hominem à fœdis amoribus Humarevocaret. 3. Miram erga omnes humanitatem nitate. & misericordiam.

IV. Bos patientiam indicat. 1. Colenda omnia pere Domini vinea. 2. Inimicis, laboribus, adversisque tolerandis. Etiam ante conversionem gemitum nullum edidit, quando cruris os secabatur. Paulò pòst literis inter pueros operam dedit vir nobilitate & palmis militari- bus illustris: & si instituta ab ipso infinitis laboribus vigiliisque societas dissolveretur, se ante horæ quadrantem divinæ voluntati acquieturum asserebat.

IV. Patientia.

Tu verò parum ad Dei gloriam confers, quia parum his virtutibus studes. Dole, quòd ita negligas salutem propriam, cùm Ignatius tanto studio curarit alienam.

PUNCTUM III.

SUSCEPTOS pro se labores amplissimè Deus Remuneratur. 1. Singulari illum in omnibus auxilio juvit. 2. Magnis inter ærumnas consolationibus cumulavit. 3. Institutum ab illo Ordinem, ipso adhuc vivo, non sine maximo Ecclesiæ bono, animarumque fructu, & hæresis ac impietatis detrimento per totum orbem propagari voluit: ut quo tempore Lutherus & Calvinus Ecclesiæ bellum indixerunt, eodem excitaretur Ignatius, qui nefandos illorum conatus reprimeret. 4. Demum ingenti illum gloria in cœlo donavit, qui ejus gloriæ ampli-

Remuneratur.

- 1.
- 2.
- 3.

4.

plificandæ tam studiosus fuerat. Gratulare Sancto de tanta gloria: erubescere quod cum eadem tibi merces proposita sit, vel minimam laborum partem suscipere recuses. Sic statue, non futurum te socium consolationum, nisi fueris tribulationum & laborum.

4. Aug. DE SANCTO DOMINICO.
PUNCTUM PRIMUM.

Qualis
erga se
fuerit,

1.
Humi-
litas.

2.
Pauper-
tas E-
vange-
lica.

3.

CONSIDERA quibus virtutibus divinæ vocationi, qua ipse ad sanctitatem eximiam vocabatur, responderit. 1. Profunda humilitate, quidquid enim in se videbat boni, illud totum non sibi sed uni Deo tribuebat. Virtutes suas summa cura occultabat. Hinc etsi nudis semper pedibus peregrinaretur, ubi tamen urbes pagosque, in quibus spectatores aderant, intraret, calceos induebat. Contemptus avidissimus fuit. Hinc oblatas sibi varias dignitates Ecclesiasticas, tresque in primis Episcopatus semper recusavit, & Tolosa, ubi erat in honore, Carcassonem, ubi contemnebatur, alacriter fugit. 2. Paupertate Evangelica: se enim rebus omnibus terrenis exuit, ut nudus nudum Christum expeditius sequeretur. Hinc cum non haberet unde viveret, cogebatur, etsi nobili familia ortus, stipem ostiatim mendicare: data verò panis frustula flexis genibus accipiebat, hilarisque osculabatur. 3. Maxima vitæ asperitate, qua quæ deessent pas-